

Executive日記——迪園高層熱心公益助病童圓夢抗病魔

Executive日記 2019-04-

10



1/1 ■蔡少綿公餘加入「願望成真基金」，幫病童完成心願，鼓勵勇敢對抗病魔。

Kelly嘅朋友蔡少綿（Linda），本身任職迪士尼樂園公共事務副總裁，為入園人士創造美妙嘅時刻同埋開心嘅經歷，估唔到嘅係佢公餘仲加入「願望成真基金」，為病童服務，致力完成佢哋嘅願望，鼓勵佢哋勇於對抗病魔。Linda對Kelly透露，近日佢接任「願望成真基金」主席，投入更多時間，真係一個有心人。


Linda話，佢相信生命影響生命，當初加入「願望成真基金」嘅原因，係覺得「醫心」同「醫人」一樣咁重要。對病童來講，令佢哋展現笑容，係無價嘅。

為咗實踐呢個目標，佢投入服務病童嘅義務工作，幾年來遇過唔少令佢動容嘅個案，其中一個係現年七歲嘅浩傑，佢患上罕見嘅毛細胞星形細胞瘤，細細個就接受多次手術，家人好愛惜佢，佢亦好乖，識得安慰媽媽，令人感動。浩傑嘅願望係去日本遊覽或者做Iron Man，「願望成真」義工正在找出佢心中所想，再幫手建構，目的係畀佢知道，願望可以有好大嘅力量，陪佢一起面對疾病嘅挑戰。Kelly聽完眼濕濕，都好想為病童出一分力。

Linda話，佢對基金會有一個期望，喺未來加強同香港兒童醫院合作，令更多病童重新相信可以主導自己嘅人生，喺快樂嘅環境中成長。Kelly希望Linda嘅愛心願望成真。

Kelly Chu



KellyChu 博客 

想睇最新消息，立即 like 頭條日報FB專頁！>>

讚好 0

0則回應

排序方式:



新增回應……

[Facebook 回應附加程式](#)

- [Executive日記——日皇室淑女個個吸睛 上皇后優雅 新皇后具現代美](#)
2019-05-03
- [Executive日記——五月天演唱會 迪士尼改善安排](#)